

Publication/Creation

1949

Persistent URL

<https://wellcomecollection.org/works/dhu6xy4d>

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.

Præfens commoſtrat figura aquila caput, cuius naſum incuruum cum Sergij Galbæ naſo comparandum concinnè ſpectandum ſe offert.



Aduncus naſus.

QUJ naſum aduncum habent à fronte benè articulatū, magnanimi conijciuntur, exemplo aquilarum, ex Ariſtotele in *Phyſiognomonicis*. A quo Polemon, & Adamantius. Aduncis naſis magnanimitatem decet. Albertus ex Loxo aquila naſum magnanimis tribuit. Huiusmodi naſum vulgus aquilinum vocat, & regium quidam præferre exiſtimat, quoniam aquila rex auium habetur, & ob id regalem animum, & magnificentiam polliceri. Apud Perſas tali naſo præditum eſſe magno erat decori, ſicut Cyrum memorant hiftoriæ Xenophontis, & Plutarchi, & ad hanc uſq; diem neminem ad id faſtigij ſubrogabant, niſi apprime fuerit naſutus. Eum regem ſupra omnes dilexerunt, illumque magnanimum, & audacem fuiſſe dicunt. Magnus Artaxerſes naſo fuit in aduncum prominente, ut ex argenteo numiſmate videre eſt in Muſæo fratris doctiſſimi. Fuit Perſarum rex, tanquàm ex ſtirpe maioris Cyri, in eo tanta in donando gratiſſimi animi magnitudo exitit, ut in referenda gratia, pro agreſti ſæpe munuſculo, tenuiſſimoque officiij genere non ingentia modo auri pondera, ſed urbes, & prouintias rependeret. Demetrius filius regis Syriæ, cuius Iuſtinus meminit, grypus cognominatus fuit, quia Græci, qui aduncum habent naſum γρυπην vocant. Neoptolemus adunco fuit naſo ex deſcriptione Daretis Phrygiæ. Sergius Galba adunco fuit naſo, ut à Suetonio narratur, & liberalis ab eo deſcribitur. Plato in *Euthyphrone* Melitum Pitteum, quem in eius accuſatione non ingeneroſe ſe geſſiſſe dicit, aquilino, & gibboſo naſo fuiſſe. Prominenti, & decenter incuruo naſo fuit Georgius Scanderbechus, qui os

in ma-